


旌陽
華坦方氏宗譜




升






華坦方氏新修譜序


旌德之有方氏系出於唐義成郡王方
 公元蕩十二傳而璇公遷分華坦故從
 前方氏宗譜均合旌德方姓為一華坦
 之別有譜倡修於道光初年也自道光迄
 今相距已六十餘載而況中更粵逆之
 亂死亡轉徙不可勝計所謂感哀絕續之




交莫甚於此時者也嘗考隋唐以前最重
譜學洎唐季五代以還其學寢衰降及元
明至有遠人鉅公不能道其高曾以上名字
良以鋒煙疊遭則門第屢變譜學之廢職
此之由然則譜以聯族屬其闕於平時者
甚大譜以詳世系其係於亂後者尤重華
坦諸哲嗣審今日而亟之於族譜之修可




不謂知本哉願譜為一姓之要而修譜又為
一姓之難諉其難者不過曰亂離之後搜
討雖周修而多所缺略猶不修也吁是何
言歟夫譜者布也所以布其前之所自出
與後之所由傳而著之者窮也彼遭亂而
堙滅以死者亦既既為無傳矣於所及知者
存之所不知者略之正譜法所以著信而闕




疑也譜之得失何問於是竊謂唐季五代
之亂問古今譜學之具廢我旌粵逆
係各族譜牒之存亡旌靈萬山之中唐宗而
後兵革罕見以故世家大族聚族而居咸
以譜牒為重自粵逆塗毒人物凋盡門閥
全無設祀躬親感哀者奉其所知為修明而
切究之彼肆餘之幼子童孫皆知有父而不



知有祖數傳而後紛泯蓋甚即有賢知特
達之士出於其間必將如明初佐命功臣
歆褒揚其先祖而不可得而昭穆尊卑之
不知遠近親疎之莫辨更無論矣有志數
典者能去致憾於中廢不諱遂成絕學哉
方氏之譜今已樂觀厥成矣當感哀絕續
之交而亟為守先待後之計猶復博採旁





稽於前之體例未及善者舍其旧而新是圖
釐然秩然炳煥成編用以上紹義成郡五千
百年之統緒而後此之繼之繩之永得以問
源不惑問查不疑此合亦之力歎其在否之
九四曰有命无咎疇離祉言轉否為泰之
際必有人為乘時修復而後眾共附之以
遂天休其今日從事諸君之謂乎予嘉方




氏不畏難而卒有成故論其關係之大且
遠俾末俗知紀同小補云

光緒甲午仲秋月

喬川九仙劉純洪頌首拜撰并書





奇之乃以陽城新縣名之


卷之四十一

物類未始有同小縣也

大邑縣志以故城為縣治


方氏續修譜序

譜學之重也古有專門官府私家歲時考葺人物之志高下品彙涇渭自分雖有勲格莫競衰宗則譜牒之職於掌故者非細也是以修唐書者得因三館所儲書采以爲表久而遂爲絕學至鄭樵爲世族略則抄寫史文猶多繆誤而古籍淪亡王僧孺路敬淳之書旣不可見其僅存者林宗姓纂明代凌氏萬姓統譜而已江左八府五州大吏新修省志人物風土燦然具備其中徽甯二郡聚族而居支分派衍尤多著姓旌德其一也余來此地往往有精于譜學挾策而來請者因與之論古族姓之事以爲在上不必過明在下不可不明何也古者氏族命官貴有常家春秋重世卿尙矣兩漢以來七葉四世萬石五公素憑舊業至魏設九品中正上品無寒門下品無貴族進退人才大都依仿故牒故其時有世胄躡高位英雋沈下僚之歎此所



謂不必過明者也隋唐以後山東大姓過江名閥半以零落而官氏
一變宋承五季之亂衣冠淪替門第相高之風漸衰矣我


國家用人中外一體疏戚並登賢豪可以崛起而貴胄亦必以才能見
用高爵厚祿非可襲而取也此古不如今之效也夫拘地望循資格
季世用人之弊也念家聲辨清濁賢者承先之道也承先以譜爲要
修而葺之職固然矣閒覽世族名譜自三代以迄秦漢唐宋代有聞
人功業文章班班可考得賢子孫表章之百世之澤存焉士生其間
述祖德思國恩傳家學緬懷先人文武忠孝之烈必有決然奮興窮
經力學思爲一代偉人以承其先者雖在愚不肖之嗣猶凜然不敢
爲非况賢者乎凡譜之不可不明者以此又嘗論郡邑以人民爲重
人民以世家大族爲重因譜以敬宗睦族一姓相聯村閭之勢重而
後郡邑賴以鞏固脫有凶荒兵革之事可守可用民無塗炭而太平



之代相與荷鋤秉耒盡力於南畝則富厚之俗易成仁讓之風易行
 王政富教之術由此其興也顧不重哉華坦方氏受姓始於雷公傳
 至叔公佐宣王中興之業詩人咏之漢遷江左晉遷宣州唐遷旌德
 而華坦之有方氏也自璇公始璇公以上有十八派不及備載茲所
 修者璇公以下也故名之曰續譜而仍列統宗于前計八十餘世以
 迄於今實哉遠矣可謂盛矣非有賢子孫表章之效歟余故樂與之
 論古今世系源流之故而為之序

道光八年十月八日

特授旌德縣教諭庚午科舉人合肥趙席珍拜撰



於此以證其理... 人合... 數...

進次八半十日八日

論古今... 其... 之...

其... 之... 之...



其... 之... 之...

其... 之... 之...

其... 之... 之...

其... 之... 之...

其... 之... 之...



方氏續修族譜目錄卷之首

新修譜序

續修譜序

綸音

偉公勅命

儲公勅命

元蕩公勅命


題方氏家藏元蕩公誥命後

跋義成郡王誥命後

范文正題詞

請圖累代功臣廟狀

穆宗皇帝褒封義成郡王贊



御祭元蕩公文

韓國公嚴查姓氏奏疏

原譜序

舊譜宗派源流序

宗譜舊引

族譜論

族譜傳記引言闕


望公實錄

儲公傳

陸家邊續修譜序

家政原引

朱文公家政



方氏家政 十四則

孝孺公勉學詩

族譜凡例

乾坤排行

華峯族居圖 併題詞

方篤親堂祠圖 併文昌閣波月亭圖

方怡怡堂支祠圖


甯邑高橋頭村圖

歷代名宦圖 併引

歷代像圖

卷之一

歷代統宗世系圖紀



璇公宗派世系圖紀

松公派世系圖紀

繼公宗派世系圖紀

惟昌公派世系圖紀

卷之二

惟昌公派世系圖紀

卷之三


惟盛公派世系圖紀

卷之四

惟盛公派世系圖紀

卷之五

惟甯公派世系圖紀



卷之六

惟甯公派世系圖紀

卷之七

惟甯公派世系圖紀

卷之八

惟甯公派世系圖紀

賢祖公派世系圖紀

卷之末

梅象公傳

思關公傳

月中公傳


龍興公傳

文錦公傳

元弼公傳

孟生公傳

俞臣公傳



克類公傳

汝公公傳

雪峯公傳

宜軒公傳

松台公傳

濟川公傳

永言公傳

德賢公傳

勝年公傳

廷輝公傳

肇基公傳

邗川公傳

世依公傳

鶴林公傳

松台公李孺人傳

世嶽公劉孺人暨媳程孺人 節孝合傳


名侯公周孺人傳

墓圖

續修執事名目

續修族譜跋

領譜字號



新傳

文英公傳

久齋公傳

獻功公傳

五臣公傳

堯儒公傳

繼開公傳


南屏公傳

聘侯公傳

燾儒公傳

繼治公德配節孝張孺人傳


墓圖



新修執事名目


新修譜跋

領譜字號




家

寶



奉天新命



奉


天承運

皇帝諭曰任官惟明蒞政惟平立身惟清清則無欲平則不曲
明則正俗三者備矣然後可以理人君子純其忠能以行其
政惟賢盡忠則朕德光矣政教以之而美禮樂以之而興刑
罰以之而清仁惠以之而布四海之內太平音嘉績旣進
聞於上下大公明陟於

皇庭欲爾厥政善撫邦民播於雅頌祿於無窮欽此欽遵
牒到

奉行

聖諭




右付翰林院學士方偉拜國子監祭酒欽承

敕諭事理

永光元年十月八日

吏部承給付准此



詔文林郎洛陽令臣方儲

誥命

奉


天承運

皇帝勅曰朕惟洛陽令臣方儲發穎經書服官牧邑舉賢良方
正天下第一初職句章令特行潔清勤勞撫字次擢是職平
政宣民績聞優最治斷頃明民咸無議以爾賢能宜
誥褒美庶政百工使知朕意欽此欽遵

右如

牒到

奉行




誥命

勅

元和勅命之寶元年五月十日下

詔文林郎洛陽令臣方儲授劄褒美



誥敕太常卿黠縣侯方儲

奉

天承運

皇帝制曰自古人君代

天理物必由賢才以左右之所以國祚隆盛四海乂安而致太平

之洪業在乎得其人也今洛陽方儲天姿挺秀俊異多奇神

智入虛內清績用昭然外顯棲心忠厚至孝通明是宜陞擢

太常卿封黠縣侯爾當恪守乃職恪勤乃心匡翊


國家以永無疆之治尙有崇秩以待其成爾侯欽哉毋替

朕命

漢章和

勅命之寶

元年正月二十八日




中書令

中書侍郎平章事

中書舍人 奉行

奉

誥如右牒到奉行



勅授神策加冠軍大將軍方元蕩

奉

天承運

皇帝詔曰識通義府學深戰器火列戎旃備聞師律頃從分鎮
之任克著安邊之略績宜匪懈志在必公

唐永貞

勅命之寶

元年正月二十八日

中書舍人白居易

中書舍人鄭綱蘊

奉行

奉

勅如右牒到奉行



陳詩家對聯集序

等

中華書局影印

試天自點元平五月二十八日


文以言言始而久之則能直出胸臆

皇帝謂曰能言能道能為人後定其高下

天不怒

率

世道人心



敕賜神策冠軍加鎮國大將軍方元蕩

奉


天承運


皇帝詔曰朕王天下設官分職惟在任賢使能以成治功雖爵秩有大小無乃賞罰至明設符爲信情意交孚所以誠之至也朕仿古制授爾以官給爾以符恪勤爾職往盡爾心執符來覲朕將合焉經攷爾績以爲勸懲之戒

右劄付方元蕩准此

符

唐永貞勅命之寶元年二月初三日給





誥授右神策大將軍直羅鎮遏兵馬使金紫光祿大夫方元蕩
奉

天承運

皇帝詔曰材雄武毅名列戎昭常制勝以伐謀每抗威而襲敵
師戎既整軍政交修爰立勲名式彰忠節可兼御史大夫行
左神策將軍知軍事充步軍都虞候勲封如故

唐永貞

勅命之寶

元年四月初五日

中書舍人


鄭綱宣

中書舍人

張宏靖奉行

奉

誥如右牒到奉行



讀古觀歷考

卷

中書舍人

中書舍人

中書舍人

歲不長歸元平四民既五日

空輒兼機軍映軍專夜步軍騎軍


帥其刃登軍如安道安立照台

皇帝臨曰初舉危危各民疑固

天不世

卷

讀古觀歷考



誥授都虞侯兼御史大夫知大將軍事撫諭淮南行營節度使
試殿中上柱國新野郡開國公方元蕩

奉

天承運

皇帝詔曰

朕蠢爾淮濱穢我王略舉靈旗而問罪授齋鉞以專征往宣虎
落之威誕屬鷹揚之將成大功於跬步擒元惡於笑談捷奏
累聞嘉嘆良劇然念征行旣久暴露爲勞况千里饋糧豈無
樵蘇後爨之憂而六月出師必罹介冑霑汗之苦興言及此
深感於中特賜近臣往宣恩旨仍敕印吏遠饋轉移益堅敵
愾之忠佇聽凱旋之入故茲詔示想宜知悉秋熟卿等北平

安否遺書旨不多及

唐憲宗勅命之寶元年五月二十六日

檢校司司空兼侍中使

檢校司司徒兼侍中使

給事 中 宗 經


中書侍郎平章事 韋執誼

兵部侍郎都知兵馬使 李光顏

門下侍郎平章事 杜黃裳

奉

誥如右牒到奉行




勅賜淮西隴右節度使開國公義成郡王方元蕩

奉

天承運

皇帝詔曰淮海克孽紀挺及落土鞠爲武淵千里繹搔一方塗
炭遄命虢將具嚴天謀喜聞一月三捷之音豈畧七旬有苗
之格鑄劍戟爲農器化蛇形爲淮人旣光盟府之勲爰峻齋
壇之拜眷茲八隴勢控河隍總監牧之繁兼蕩落之重汝奮
往矣

朕固慰哉已授卿淮西隴右節度觀察措置等使充監牧使兼
管內押蕃落使御史淮南行營節度使義成郡王食邑三千
戶故茲詔示想宜知悉冬寒卿等北平安否遺書旨不多及



唐元和勅命之寶十年十月初一日午時

都給事中武

直官司勳員外郎武


兵部尚書 闕

中書右丞相 裴度奉行

誥如右牒到奉行

天承感



奉



題方氏家藏唐封河南義成郡王元蕩誥命後

元祐三年正月三日郡王九世孫伯源之裔出五誥相示乃知旌德在唐之世亦嘗有忠武之臣詩書之將從戎三十年總神策軍如漢之南北軍國家安危賴此軍爲輕重而郡王將其兵生享王爵則其當時軍權勲閎何如哉克大其家不墜祖風在君勉之耳

文林郎知旌德縣事練忠題



跋義成郡王元蕩公誥命後

憲宗章武皇帝號爲有唐中興英主一時將相大臣如裴度杜黃裳李愬李光顏皆爲世豪英其勲業之著光明碩大由今望之若神人然而義成郡王於是時居大將任總親衛軍列亞相班封異姓王與裴度二李輩齒可謂盛矣自永貞至今幾五百年經五代亂離宣和

建炎兵火之餘其家子孫猶能寶當時制書至今顧不難哉龔竊謂
方氏得姓自周大夫方叔之後由漢唐歷今爵位隆盛以至義成郡
王遭遇真主官崇位顯如此而史失其傳可勝惜哉龔於方氏忝盟
宗之後因穎川先生得借一觀爲幸多矣以龔觀義成郡王英靈氣
焰千古未泯將見遺芳餘慶復鍾後昆篤生異人以紹前列可立而
待焉方氏求識跋義不可辭謹書以附於孫練二公之後

昔


乾道丙戌上元日永嘉方龔書



跋方氏家藏始祖唐封河南義成郡王元蕩誥後

庚戌仲冬予與男詢過白旌川拜先祖山長府君墓於時風霜淒楚
顧瞻彷徨不忍去適元蕩公裔方子與予善出示家藏唐封河南義


成郡王諱元蕩誥命縑素雖破裂銀鉤寶璽燦然可觀流傳子孫今三十世王於順宗永貞元年拜光祿大夫檢校右散騎常侍爵河南郡王加神策軍金紫光祿大夫兼御史大夫試殿中監新野郡開國公其時相則杜黃裳張宏靖裴度諸公所署距今五百七十七年事已載旌川舊志矣然稽諸史則逸而不書毋亦史官或有缺與然觀王之在朝征河北討淮西其功烈不爲不盛官封王爵位極人臣不爲不重而史一字不及或者謂其子孫綿邈今已三十世彬乚文武聚族一門非有陰功厚德曷如是久且盛哉是雖不書猶書也然則方子念始祖之勲保誥命若金璧歷五代及宋季兵戈之患珍藏惟謹弗墜先世德澤爲世所稱道是可嘉矣較之趙簡子書竹簡以授二子爲何如哉後之子孫覩於斯勉強問學允文允武繼河南之餘芳爲江東之名裔復見光其門昌其族庶無負珍藏之意最哉是圖



昔

明洪武四年十一月

京口丹徒校官績溪舒頤道原書




宋朝散大夫岳賡范文正公詩并詞題於宛陵之旌德方氏原譜

元老遺風至今存忠孝翩翩滿旌川宗派倘容詩詞續橫枝吾亦是


兜孫

詞曰


水之稽空者來源必潤木之干雲者發根必碩公先賢侯兮忠義烈
烈繼承鑑湖兮有光奕葉景祐進士兮名益著朝散大夫兮官猶赫
公有濡兮美于先慶流及兮後是獲子子孫孫繩繩蟄蟄高風有振
盛德無沒邱封四尺兮山峯其高青鳥有取兮牛眠馬鬣文儒片玉



兮終古弗滅
觀風達士兮過車爲式



今古詩集卷一




方氏歷代宗譜通錄

請圖累代功臣於祖廟狀

二十六代孫鄉貢進士舉伏聞有虞祀黃帝周公祀后稷留侯配食於武成王顏子侍坐於孔宣父雖於王者之禮與臣下不同其卿大夫之家孝子順孫祖有功宗有德其義一也本宗始自雷公迄周秦漢唐後收服郡邑保守城池錫圭分壤以報豐功授本州刺史本縣令班也不絕謹按祀典有功於民則祭之能禦大患則祭之保守城池有功也與民除害禦患也宗人咸請圖其形於祖廟以時享祭舉又敢論之六位之中其一蒙州刺史是舉之祖按禮士有二廟舉祖廟未毀今亦隨例圖形於坐隅且漢有凌烟閣皆思其人而圖其形觀其形而見其功庶子孫知其善而得其傳之真而不誣也

唐咸通十二年

日請狀



制云

既能追遠何爽圖形是亦孝思所宜固請殿內設三位方亮方

處嵩方元蕩

穆宗皇帝褒封義成郡王方元蕩號輔公贊


憶昔征西時全憑蕩君功統身臨戰艦斬將滿江紅圖畫丹青上名

留宇宙中御袍親掛體萬古獨超羣

皇甫鏞撰

御祭河南義成郡王方元蕩公府君文


惟王元蕩故家之翹彥功勲蓋世忠義無雙昂七氣象坦坦心懷賢
明同衛蘧正直齊陳實滿目五世袍笏盈床壽逾九袞位列極品年
高德邵歲居鴻門之賓席博帶綬冠恩沐龍爐之詔檄森森乎香生
月地有輪粟活殍爲義宰有釣月耕雲爲隱逸藹藹乎秀出雲階有
富足錦囊爲千金子有步獵書史爲君子器是宜殊祉之日享如南



山之舉律夫何夢奠于兩楹竟晞薤露于一夕於戲將門失一元老
朝中失一柱石河南失一大賓宗族失一楷式噫若王之情生也榮
死也哀夫何復有乎餘累雖然惟王除殘滅寇功在社稷伐暴恢疆
澤及萬民慕王忠義之深念王智勇之大烏容已于痛惜

奉


旨 致 祭 官 葉 百 安



日覽餘言業百步

卷


將以實及真王忠義之辭念王時便女大為容日千歲
賦也及夫神舒亦不猶果誰然對王氣幾如法內亦強
賦中央一賦詩而南矣一入實宗賦夫一賦方知詩不
由文學始天可為賦十可賦詩詠賦賦下以入實宗賦



聖旨 命韓國公李 爲嚴查天下百姓軍民匠戶人等知悉各姓供報

官給民由始終本末某處來歷某處爲官以分良賤事

韓府查得方姓之族自得姓而後周有大夫方叔詩多元老之咏漢
有方偉孝元帝時歷官翰林院大學士永光元年拜爲國子監祭酒
方儲章帝永元元年封太常卿繫縣侯唐有方元蕩憲宗封河南義
成郡王及方干登進士第著書若干卷因兎唇不仕隱居桐江釣臺
嚴子陵祠配享宋有方元瑚太祖拜爲太傅方光玉爵至刑部尙書
方殷哲宗勅封定遠侯方永時理宗拜爲太師方殿陛誥封天下兵
馬副元帥英國公行定陽王事方庚封文武節度使南康大將軍元
有方有功仁宗勅授四川總督監察都御史方廷選順宗陞工部尙
書歷朝王公鄉相科甲聯翩難以枚舉述其大畧如此今驗其子孫
繁衍歷來所遺遷居甚明及流傳至一百六十六世數千餘載據其



方姓之來歷甚遠果是世家大族也

明洪武四年三月十五日具奏

韓府驗過吾方氏宗譜并偉公儲公元蕩公等容像賜印供報官給民由可據今日子孫繁衍分派遷居昭穆難以序齒因而立有枝圖流傳後代日後子孫照各遷居祖宗之名相接于後流傳萬世以白宗親之驗耳立此枝圖一樣十紙各執一紙永遠存照

遷居地址開列於後

忠正公派下遷蕪礮濱安奈皮柘源

萬成萬貫公派下遷江村績溪大坑

忠錫公派下遷環山巖鎮野溪源績

文龍公派下遷方村中塘信行

成威成統公派下遷歙州瀾坑井塢


子文子顯公派下遷靈山

光祖光烈公派下遷聯墅臨河烟村

貞獻越六公派遷潛口遷休甯東山


伯二汝時公派下遷歙問政郡城結林

振仕傑公派遷旌德縣遷淳安縣進賢渡東門遂安



旌德方氏原譜序


夫姓所以別婚姻統其祖考之所自出氏所以辯貴賤別其子孫之所自分世系明則宗支之序別親疎之情聯仁讓之所由聿興家道之所以久長也粵稽方氏自雷公發祥以來至周大夫諱叔佐宣王中興南征北伐爲元勲而姓始顯迨元蕩當唐憲宗時克收兩河有功自左神策軍授冠軍鎮國大將軍加都虞侯直羅鎮兵馬使金紫光祿大夫試殿中監上柱國新野郡開國公累封淮南行營節度使義成郡王食邑三千戶厯事五朝親總內外戎政三十餘年膺制誥勅命凡五率多褒稱之辭在當時與杜黃裳張宏靖裴度皆以柱石名則其甲於天下可見元蕩所膺之制誥勅諭咸在則其傳世之眞可知各派之圖系尙存比而合之若合符節非若杜正倫求齒於城南諸杜郭崇韜拜子儀之墓也至二世鏐元和中授歙州歙縣主簿




三世從儉咸通二年授朝散大夫知東陽縣勅賜緋魚袋再授高安
令從泰咸通六年授汀州刺史四世台先授天德軍判官乾甯元年
授歙州制置巡官景德三年授歙州黟縣主簿至寶元元年授歙州
制置判官五世諱融諱峴開寶七年以白地金沙沖田伍百畝捨充
延壽寺莊園而碑石見存則譜系之真無疑矣方氏之修是譜也以
義成郡王爲旌川始祖凡若干世支分派別詳悉具載信以傳信其
意直欲推源達本以貽厥子孫俾知親疏長幼而因枝以尋其本因
流而溯其源有喜必慶有凶必吊善惡必相規勸患難必相扶持歲
時有會則大宗小宗秩然而不紊其序羣昭羣穆井然而不失其倫
則其敦本厚宗之義仁人孝子之心爲何如哉後之子孫觀斯譜視
斯圖則孝悌之心豈不勃然而興乎是爲序

明景泰四年龍集癸酉九月重陽日

鄉貢進士江西廣信府弋陽縣儒學教諭涪源王瑄俊溫氏撰書



大正



方氏舊譜宗派源流序

方氏之得姓由來舊矣至方叔爲周元老姓益顯漢賞字君賓由左馮翊除廷尉其孫名紘避王莽亂自河南遷居障郡後爲歙州析歙縣東鄉爲睦州青溪縣卽今嚴州淳安紘曾孫儲字聖明大守周歆舉儲孝廉中漢賢良科第一官至郎中章帝試羣臣亂絲公拔劍斷之上竒其能除洛陽令公有仙術騎鶴半空時人號曰仙翁和帝永元元年司空第五倫奏公賢能加拜太常卿繫侯帝郊祭公以更擇日諫帝詰之公對曰臣受仙師聖術推步炳然實不空言旣郊還責公欺妄公曰臣性直而得欺僞之名古人耻獲不忠之謗甘殺身以成名無貧生而毀行若臣死之後陛下當信臣言於是鳩死俄而大雹風雨飛砂折木莫不驚懼嗚呼忠直之有以感激天怒如此後之想公者猶有生氣也追贈大常卿尙書令洛陽開國公賜繒綵衣帛

殞殮其後歛嚴等處子孫立廟以祠之靈符應感不惟沾澤於同姓而四方庶民無不有默佑之也仙翁子孫散處江淮之地光州固始及公之十世孫覓守宣城而徙居旌德者聞之蒲田建安一名關者居社堂之西一名遠者五代時爲泉州長史居方山及游洋鎮隋末子孫散衍坂新橋有方晉賢渡頭有方安福鄉方村有方永平鄉始新源有方孝女鄉淪坑源有方梓桐鄉何山有方疊螺形有方一支遷衢州長泉一支遷嚴州大墅一支遷湖州一支遷淮西一支遷遂安墩頭一支居桐廬遷池州青陽縣九華山之東地名上田宋景德二年旌表義門又方德鏐八世同爨家居九百口居舍六百區日鳴鼓會食運使馮亮奏聞詔旌表元貞元年八月江東道宣慰司申池州路方時發義居十一世依例旌表蓋子孫散處仕宦不絕有居鎮江嘉興有居台州仙居縣清風鄉板橋者有居婺州義烏縣地名香

山者有居紹興諸暨者餘姚者有居富陽縣漁山者有自淳安居歙
西臨河白茅田者如徽饒信之方則自歙而分而宣城旌德則又覲
公之後嚴州之派也予常明之因即其宗派而銘之銘曰

惟皇降衷

各具稟彝

人本乎祖

伊誰不知

周設族師

教民嫻睦

派流於源

枝分於木

其初一身

子焉而孫

曾元仍之

而弟而昆

析而東西

分而南北

布粟不容

戈操墻闕

服止於總

情生於親

親盡情盡

相視塗人

慨其永歎

綱淪法弛

誰能拔俗

敬宗尊祖

周有元老

漢有賢良

唐有刺史

至今流芳

蒲饒分族

皆原於歙

湖宣諸派


池台杭越

族日以遠

情日以疎

後有賢良


其念厥初



昔

宋紹熙元年暮春五日


煥章閣直學士朝奉大夫謝諤撰



方氏宗譜舊引


山必祖於崑崙之脉千峯萬岫皆其支也水必祖於天一之
精千滙萬川皆其派也人必有祖於有生之源千子萬孫皆
其裔也今閱方氏譜牒自有周以迄於今統宗衍派一覽百
世兼綜無遺孝子慈孫家藏珍翫擬諸先人遺器其寶過矣
是非尊祖敬宗者而能之乎

西山蔡元定拜撰



族譜論


姓者生也共相生長宗者總也總統相連族者聚也聚族而居故譜以普載祖宗遠近姓名諱字年號又敷布遠近百世之綱紀萬代之宗派源流序述姓名謂之譜系條錄昏宦謂之籍狀總而言之謂之譜譜者補也遺亡者治而補之故曰序得姓之根源記世數之遠近父昭子穆百代在於目前鄭元曰譜之於家若網在綱綱張則萬目具譜定則萬枝在今恐一枝之上枯榮有異則強弱相凌一祖之後貴賤不同則尊卑相濫今舉大綱以明眾目是以四海各流乃東出而西歸九河分趣雖道異而源同是以樹有凋榮之榦羽有長短之毛或短褐輕裘咸出公卿之裔佩玉負薪不廢連枝其葉詩云獨行踽踽豈無他人不如我同父父子相因不比他人之姓百裔同居一祖千葉同生一株株強則葉盛根弱則榦微分之五世之謂族元祖




是稱之爲宗宗族同姓記之在此譜者光乎先世之蹤以示萬代之
孫也裔者繩乚不絕之義可謂不忘親也雖然散在九州而蹤元無
二分居百國而祖禰攸同但記之世數則尊卑可定必須忠孝於君
親敬順於師長和睦於夫婦信義於朋友親睦於鄉閭恭勤志墓然
後位進於公卿名顯於後世人之基業子孫根本不以無位門戶失
次人善則門榮人惡則門賤所以敬二尊遠四惡敦五美修六藝九
思十善弗忘於須臾故常積學蘊心明以聽視先世之序皆記於胷
襟乃有孫不識祖字子不識父諱問其由序則默然書其家傳則闕
筆如此之徒非紹隆後世之子也或曰富貴運所招何用先人之蔭
聖人自生不由父母中人以上皆有承籍至如曲木直枝頑父哲子
但取當時之用豈有禰祖之業而不記乎在心而睹之目者也蓋聞
譜者姓名之經緯昭穆之綱紀導一宗之根源提九族之總統人倫

根蒂君子貴之世數綿遠枝葉難分時運盛衰苗裔遼隔譜牒若存
則憑依有據記注精顯則品類無差今古相承班序俱定次長幼之
高卑累官階之大小問源則不惑問世則不疑傳之記之以續後生
無令斷絕勿有疑焉我方氏至周宣王時叔爲將伐叛有大勲烈詩
人歌之然皆顯河洛間至西漢末曰紘者爲司馬府長史河南尹會
王莽篡國遂棄官徙江南居宣歙於是方氏始來江南紘生子三儕
儲儼其後子孫甚衆大抵江南之方氏皆紘後而宣歙其宗邑也故
宣歙間猶多有方氏祖廟若宣之旌陽自唐肅宗時神策將軍元蕩
世居之爲巨族云

孝孺纂著




Vertical columns of text, mostly illegible due to fading and bleed-through.



望公實錄

按漢史方公望字景高偉公長子性孝聰明通諸經史善星文圖讖解悟兵法孝元時對策高第除郎中兼太史遷太傅河平初災變數起天雨雹如斧望謝職還田里平帝時王莽篡逆隗囂在成紀應更始欲平王莽遣使徃平陵請望爲軍師望至說囂以急立高廟稱臣奉祠後更始徵囂方望辭囂而歸嘆曰更始庸暗非中興之才漢室其何如哉旣而更始大臣相害伯升等果大亂望乃立孺子劉嬰爲天子曰此正統也義當承嗣君天下旬日之間衆至數萬更始大懼遣樊崇李松率三十萬擊之望以衆寡不敵欲以計困之而劉嬰所信者李符以其部屬數千人與李松戰遂大敗劉嬰爲李松所害望餘衆保河南兵尙三萬餘人遲久不進及聞光武卽位望大喜曰天下有主劉氏復辟吾無事矣以兵歸光武拜河南太守數月稱病遂



免而隱焉方囂之請望爲軍師也望說囂曰足下欲承天順民輔漢而起今所立者乃在南陽更始王莽尙據長安雖欲以漢爲名其實無所受命將何以見信于眾乎宜急立高廟稱臣奉祀所謂神道設教求助神人者也且禮有損益質文無常削地開兆茅茨土階以致其肅敬雖未備物神明其舍諸囂從其言乃立廟邑東祀高祖文皇武皇囂等皆稱臣執事史奉祝而告祝畢有司穿次于庭牽馬操刀奉盤錯鋌遂割牲而盟曰凡我同盟三十一將十有六姓永承天道興輔劉宗如懷姦慮神明殛之高祖文皇武皇俾墜厥命有司奉血鋌進護軍手揖諸將曰鋌而濡血敵不入口是欺神也厥討如盟旣而埋血如書一如古禮事畢移檄告郡國及更始遣使召隗囂等將行望以爲更始未可知固止之囂不聽望以書辭謝曰足下將建伊呂之業開不世之功而大事草創英雄未集以望異地之人疵癘未

露欲先崇郭隗期望樂毅故欽承大旨將軍以至德尊賢廣其謀慮
基業以定大勲方集今俊義並會羽翮比肩望無耆耇之德而猥托
賓客之上誠自愧也雖懷介然之節欲決去就之分誠終不肯背其
本貳其志何則范蠡受責勾踐泛扁舟於五湖舅犯謝辜文公亦逡
巡於河上以二子之賢勒銘兩國猶削蹟歸愆請命乞身望之無勞
蓋其宜也望聞烏氏有龍池之山嶽徑南通與漢相屬其傍時有竒
人聊以閑暇廣求其真願將軍勉之於是隗囂等至長安歲餘更始
果敗囂幾見殺既而大水乃悔不用望言矣後曾孫方儲種松樹數
十株於公塋鸞棲其上


出隗囂傳

光武紀

昔高祖欲誅項羽而三老董公勸爲義帝發喪今隗囂欲誅王莽而
方望告以急立高廟義之所在人之所必服也觀望所作盟辭及檄
其志務于復興漢祀義概凜然嚴如霜雪而莽賊迄以受誅信矣哉


義之所在人之所必服也

後漢范燂撰



黟縣侯儲公傳

儲字聖明自幼失父事母至孝且有擲斧之靈學業勤篤追思三輔精博經史明辨圖讖深明易理尤通仙術仕宦洛陽往來乘鶴章帝建初間丹陽太守周歆舉孝廉對策第一除郎中補句章令百姓朝耕暮還藏犁田畔以草覆之明日被盜詣縣陳訴儲預知吏兄所爲乃刺吏曰其犁在汝家後積麥中吏兄懼叩頭伏罪儲以小事貫之建初六年遷阜陵令七年遷翟陽令遭母喪負土成墳種松柏嘉木數千株感鸞鶴虎兔之瑞喪過於哀服闋不忍本郡遣曹掾齋禮制請釋服王歆贊曰凡厥孝子或降嘉祥鮮有神鸞鳴我高罔孰氏致之惟新曰方儲之母墓也元和元年太尉鄭宏司徒柏虞司空第五倫等舉賢良方正對策復爲天下第一拜博士尋遷義郎糾彈貴戚章帝竒其能特賜洛陽令元和三年受任大匠卿兼前令時被尚書



張林疾之與洛陽功曹竇憲夜殺人徙倚寺門下林乃發臺吏收儲
匕怒曰侮慢天地欺罔上下神明正直罪焉能赦乃敕三十二人戎
衣懷繩直抵竇憲曰死人是汝所殺汝家老幼三十二人令戎衣各
縛一人抵罪於是憲懼乃曰餘人無敢求免乞免老母遂叩頭伏罪
由是京師稱爲神明永元元年司空第五倫奏曰大匠卿方儲天才
挺秀俊異多竒神智內若績用外顯姦邪無不漏洩陰謀無敢隱藏
至孝通神嘉祥降格依奏加太常卿繫縣侯五年六月和帝郊祀儲
曰此日大災宜更擇日帝不信奏其旦清明帝讓曰博學稽古不盡
忠而爲欺詐乎儲對曰臣受先師聖術推步曷然信不敢誣旣而自
嘆曰古人恥獲不忠之謗仍殺身以成仁使死而驗人君知忠言之
不可不用也乃退飲鴆而死須臾大雹如斧飛砂折木中途大暝收
兵入城死者千餘人莫不懼帝遣飛騎召儲匕已死矣帝傷痛之嘆

曰恨不與若人共治天下也追贈太常卿尚書令洛陽郡開國公食邑二千五百戶賜彩帛棺服東園秘器詔敕護送歸葬本邑喪柩初至錢塘欲渡會稽立廟大風吹舡從浙江上因立廟欲渡向東陽風復吹從新安江上立廟號曰新安廟庭常有微風颯然君蒿悽愴若或見之公私敬祭築墓淳安學前祠在學之東南

一云墓在廟後又邁山有仙翁閣或云有衣冠存焉

宋明帝太始元年遣鍾離景耀祀以大牢拜贈龍鑲將軍洛陽郡開

國公

著新安地理志任昉等書

公嘗遊深山遇老叟自號雲谿公投神仙之述遂通變

化及卒帝問而竒之詔卽地起白鶴觀妻太常卿王莊女生三子長觀次觀季洪宋政和中贈黟縣侯廟賜號真應儲歿永元癸巳

論曰古昔梁竦謂大丈夫生當封侯死當廟食州縣之職徒勞人耳公封侯廟食榮矣其解紛斷獄竭忠盡孝藏往知來固不可一二數至若對策大廷選舉方正巍然居第一之名羽化登仙逍遙物外悠

然得雅清之樂凡舉世之所欲而不可得者公皆兼而有之猗歟休哉或謂公之卒於直諫良可哀悼不知殺身成仁公其得死所矣其無以他議云

洛陽開國公方儲公讚


元老流芳復有公浩如星斗氣如虹胸中妙蘊神仙術腹內包涵造化功千載名高青史冊一朝身伴白雲叢鶴歸遼海昇騰遠知到崆峒第幾峯

孔陽撰

仰止開國公當年匡漢室耿耿布忠誠昭昭著勲績一旦遺世遊千秋顯靈跡展卷睹儀容臨風三太息

吳都張可撰


派衍河南遠天高斗北明神仙傳妙秘史冊著芳名輔國全忠節祛




災荅

聖情乾坤昭令德萬載播嘉聲

太常卿瑯琊王莊撰






大正宗譜卷之首

十二都陸家邊續修譜序

余自解組歸來絕口不譚天下事誰復有以文墨相強者乃索居無聊倣樂天池上之意築室于石匱之濱每逢佳節親舊畢至少長咸集或縱目江山覽烟霞以娛情或泛舟巨浪快波紋之適意而于方君耀生相得甚歡耀生者旌之望族也其先大人元富公以忠厚立基以清白傳家柔不茹而剛不吐強不畏而弱不侮正大之氣已裕于前蘭桂之芳自振于後至耀生與弟成生彩生以亢爽之姿寄跡江湖相時度勢皆合機宜人我棄取之間雖有微權而安分守已初無罔利之心其品格固已高人一等且能繼志述事廓大前業凡有欲爲而不得遂者無不續修遺緒期于光明以故創宗祠則居首事之班修譜牒則聯宗族之好大綱小紀次第就叙而家道日以興門戶日以顯矣今夏端陽玩龍舟採蓮蔬飲酒之暇忽請曰余家族修



譜已五載矣今事將竣欲乞一言以弁其首余應之曰譜者普也兼
綜無遺之謂今將序其人乎序其地乎序其人僅在于子序其地未
嘗一觀于何着筆而耀生復進請曰余祖居道府之右至七永公厭
塵囂而慕清淨樂泉石而息煩雜因遊十二都之陸邊見其石有普
龍若天馬之行空前有壠墩形若玉印方正無邪唐山在其左似崑
峯之挿天長降繞其右如遊龍之出沒門臨大塘足具遊觀水口青
龍白虎有獅象之形心焉愛之遂卜居焉至今子姓蕃昌皆其裔也
服水土者不忘源敢請誌之以垂不朽余曰若斯言山川之秀麗人
文之蔚起即可於是知之矣又何用余言爲遂以爲序

峇

皇清康熙三十七年五月端陽後上浣之吉

賜進士第前光祿寺正卿劉楷子端氏拜撰

家政原引

論語曰施于有政是亦爲政易曰正家而天下定家之貴有政也尙矣歷觀各氏譜牒所載具列家訓於冊首而言簡意該辭近旨遠惟朱文公家政序最詳且切果克遵而行之則人皆善行家皆美俗舉而措之國與天下裕如也故備錄文公所序於左併詳載方氏家範十四條以示後人使知遵守云

朱文公家政序

有公家之政有私家之政士君子修一家之政非求富益之也植德而已爾積善而已爾父子欲其孝慈兄弟欲其友恭夫婦欲其敬順宗族欲其和睦門閭欲其清白帷簿欲其修潔男子欲其知書女子欲其習業姻婭欲其擇偶婚姻欲其及時祭祀欲其豐潔用度欲其節儉坟墓欲其有守鄉井欲其重遷先業欲其不壞農桑欲其知務



賦稅欲其及期私債欲其知償私恩欲其知報私慾欲其不逞私怨
欲其不蓄親戚欲其往來賓客欲其延接里閭欲其相歡故舊欲其
相親交遊欲其必擇行止欲其必謹事上欲其不諂待下欲其無傲
公門欲其無擾訟庭欲其勿臨桑梓欲其必恭有無欲其相通凶札
欲其相濟患難欲其相恤疾病欲其相扶死喪欲其相哀喜慶欲其
相賀臨財欲其無苟見利欲其無爭交易欲其廉平取與欲其均一
吉凶欲其知變憂樂欲其知時內外欲其相諧忿恚欲其含忍過惡
欲其隱諱嫌疑欲其知避醜穢欲其不談奴婢欲其整齊出納欲其
明白戲玩欲其有節飲食欲其不亂服飾欲其無侈器用欲其無華
廬舍欲其修葺庭宇欲其洒掃文籍欲其無毀門壁欲其勿污鞭笞
欲其不苛賞罰欲其必當如是而行之則家政修明內外無怨上天
降祥子孫吉昌移之於官則一官之政修移之於國與天下則國與

天下之政理嗚呼齊家君子其可不修一家之政乎家政不修其可語國與天下之事乎


方氏家政 共十四則

敦孝友

書稱君陳孝于親友于兄弟以爲一家之政夫子稱之曰是亦爲政蓋孝友爲百行之原施之家國無二理今日教家卽他日所以教國凡治家者宜遵守勿失敢有故犯不遵者家長先責之以理抗而不服者鳴公重處

睦宗族

宗族本一家至親不甚疎遠范文正公置義田義宅以睦宗族張公藝齊家九世同居二公之高誼固不能學亦須慕其餘風凡事以遜讓爲是毋得因小忿致傷大義則九族情睦矣



正男女

男正位外女正位內天地之大義也男正謂何夫盡夫道敦刑于而不溺衽席者是女正謂何婦盡婦道謹內助而不爲晨鳴者是其或帷簿不修德慙閨闈罪其家長治以家規勿姑縱以爲宗族羞

慎婚配

朱陳同里奕世連姻秦晉兩國歷代締好嫁娶人倫之本家之興替係之凡婚配不在貧富須擇有德之家閨闈素嫻之子如徒論財不分高下匪匹妄偕室家不宜甚有贅僕爲壻奪婢作媳者上玷宗祧下壞人倫尤屬不肖如有犯此法宜重懲毋許入祠

敬斯文

家有斯文猶天地之有日星人身之有眉目無此則無光彩况宇內無窮事業何者不繇斯文做出非特光宗緒耀門閭已也誠哉家之

珍也凡族有斯文不論長幼貧富須一體重加優禮讀書資費破格
勩助語云重斯文者自獲斯文之報在斯文亦當端品自重令人可
敬

崇典禮

冠婚喪祭吉凶等事俱遵文公家禮儀節品式不豐不儉乃合中道
表節義

節義者天地之正氣木類得之爲松柏石類得之爲金玉而人類得
之爲忠孝節義不可不彰也族有若人非特一家之光也宜公舉以
俟旌表生則敬禮之歿則祠享之

勤生業

天下之事莫不因勤而興以逸而廢周公大聖人也猶作無逸陳幽
風以戒成王況屬在凡民尤不可游手好閑吾族子弟輩居四民之

入止三言 卷之四
中宜各治一藝勵陶侃運甓之志作祖逖起舞之勇必求事之成藝之精然後可


節財用

理財之道入之無數不如出之有節苟能節用則所入雖少亦自不至空乏嘗見世之好華美而不質實者鮮有不壞事也故光武以帝王之家而猶戒公主勿用翠羽凡族子弟輩須知謹節財用便是守家之道

禁姦賭

萬惡淫爲首千金一擲傾自古爲戒而無忌憚者胆敢爲之鮮有不至于滅倫喪身破產傾家凡族子弟犯此法所不宥父兄失教罪亦何辭

恤孤寡



孤無父寡無夫皆窮而無告者也故王政首及之况此熒獨者皆吾祖宗共脈而漠不厯念乎族有孤子孀婦貧者衆其周恤之即富亦扶持之倘有不仁之輩視爲可欺謀其產業而傷其生利其財貨而奪其志衆共攻擊之庶無弱肉強食之患

戒爭訟

好爭非君子之道爭之不已則必致訟也則終凶訟者無情之辭足以壞人心術甚至費財破家怨深禍大何益之有凡事只宜忍讓各自輸心自然無訟若以非理唆使利己害人尤爲不可

翰林院侍講 孝孺勉學詩


殘燈結成花枯木化爲茵凋零如此物秀氣終未盡人心最靈智自棄獨何忍聖門本宏大梯磴多接引曾高愚魯資直解配顏閔流年急如箭髮白難再鬢及時不努力老大成蠢蠢

乃上三言 卷之四
樹木生有枝子弟教及時七年異男女八歲分尊卑二五學書計逢
人多禮儀三五學射御四五加冠綏今來謾不省古道當如茲欲作
高高臺爲爾寬作基欲求深深井爲爾遠爲期不聞鄒孟學還自粗
豆嬉人材日輩出善保膝下兒

兒童聚嬉戲不離父母傍父母顧盼之百憂爲爾忘惟此慈愛心比
同春日光陽和透地脉草木俱芬芳兒身已長大能不念往常愉色
與婉容傾心奉高堂嗟哉力何短父母恩甚長

上堂拜父母甘旨手自供入廟羅豆籩祀我祖與宗死者魂魄安生
者恩義隆一門無二志警欬生春風豈惟薰閭里上聞天九重祥雲
及膏雨滋我庭下松孰云唐虞遠不得身遭逢由來豪傑士世世皆
時雍

藹匕桑梓樹遲遲杖履音未瞻父母顏已起恭敬心樹木手所植杖



履身所任此物猶足重况彼鍾愛深父愛我亦愛不間獸與禽六親
同骨肉何以能相侵

莫驅屋上烏烏有反哺誠莫烹池中鴈鴈行如弟兄流觀飛走倫轉
見天地情人生處骨肉胡不心自平田家一聚散草木枯爲榮我願
三春日垂光照紫荆同根而並蒂藹藹共生成

妻賢少夫禍子孝寬父心不知何人語相傳猶至今室家兩相好如
鼓瑟與琴二親豈不歡花木羅春陰雖云一樽酒共酌還共酌物情
動相失安用儲千金家睽在婦德彖繫有遺音

內則記孝養檀弓著哀思寥寥三代音於此猶見之我欲繪作圖豈
乏丹青師丹青狀形體性情那可爲冬夏適溫清芳鮮在盤匱二親
未飲食如子渴與饑奈何報本心限以百歲期飛鳥失其巢尙且鳴
聲悲剗鉅痛亦深衰麻交涕洟聖王爲制禮進退隨天時千人萬人

心一人心可知

譙人夏侯氏有女志獨高夫家盡蕩滅節義終持操榮華昔共享禍
患今同遭妾身偶生存志已埋黃蒿親戚勿訝我人類異羽毛引刀
斷耳鼻見義不見刀至厚莫如地桑田變波濤真金不畏火見此兒
女曹去世雖日遠今人猶多褒

結交須結心取士須取德古交金不鍊古士麟五色如何當世人作
事多傾側甘言轉相媚內險不可測青青好禾稼生此螟與騰堂堂
美少年化爲狐與蜮

人心天機在利欲日夜昏好苗莫助長惡木先除根斧斤一時緩惡
木何由斷莫畏根株深所憂筋力短

吉人語何少凶人語何多言亦反覆簡默終無他可磨白圭玷言
玷不可磨有口號談天有辨誇懸河心原一已放觸物生偏頗悠悠


百年內榮辱當如何

蜘蛛解布網
蛄蟻能轉圜
萬物各有役
何人得安然
周公貴爲相
仰思夜不眠
仲尼大聖人
易書三絕編
孰謂我有耳
不聞古所傳
一聞敢自墮
勇志如奔泉

六經豈虛文中
有無盡意一
從河出圖光
景不可闕皎
皎如日星悠
悠在天地青
編積几閣翻
閱何容易曾
參之一唯已
往難再值

勸爾一盃酒
君行莫匆匆
君心雖欲速
道路久乃通
東可窺大壑
西南越崆峒
不憂歲月晚
但憂筋力窮
三年刻片楮
九年成一弓
制作雖云難
爲藝則已工
小事可喻大
願言置胷中

驅車入東洛
策馬上西京
所遇何表表
莫非公與卿
旌旄出廣路
百步辟人行
前驅與後擁
不絕如雷轟
人生處困阨
孰不思寵榮
此途良足樂
此任苦不輕
丈夫誓許國
身作萬里城
永懷鼎足戒
毋使公



鍊傾

夫昔不歸丈夫昔指問意外請里與亦野畢且

夫昔不歸丈夫昔指問意外請里與亦野畢且

夫昔不歸丈夫昔指問意外請里與亦野畢且

夫昔不歸丈夫昔指問意外請里與亦野畢且

夫昔不歸丈夫昔指問意外請里與亦野畢且

夫昔不歸丈夫昔指問意外請里與亦野畢且


夫昔不歸丈夫昔指問意外請里與亦野畢且

夫昔不歸丈夫昔指問意外請里與亦野畢且

夫昔不歸丈夫昔指問意外請里與亦野畢且

夫昔不歸丈夫昔指問意外請里與亦野畢且

夫昔不歸丈夫昔指問意外請里與亦野畢且




族譜凡例計二十條

一自得姓後由方叔公至漢元始間絃公自河南避地江左居丹陽任歙縣令子孫因居歙之東鄉十二傳至寬公宋文帝元嘉間平孫恩亂以功封宣州太守命第四子法立公居太平之麻城鄉八傳至元蕩公是爲旌德方氏始祖十二傳至璇公是爲華坦始祖

一郡名從乎始封方氏上世世顯河南後日蕃盛各有錫爵封土吾宗或稱河南郡者或稱汝南者或稱
郡者郡名有三然吾旌始祖元蕩公唐封河南郡王則本族郡名尤不可易

一族譜修于道光舊本遵用蘓式此次改用歐法世經圖緯自高祖以至元孫五世一提以彰五服自是而再提以至提之無窮皆五服之義也遇五世當另提者書後圖接其不提者無之以其下無續也

一五世再提分房屬派由大宗以及小宗首書某公支某公派長房系



明則續提二房二房系明則續提三四房其各房小支義例亦然

一圖後世傳書名書字號書生書娶書子女書卒墓此其大概也凡有科甲出仕及貢廩生監捐職封贈與夫德行學問忠節孝義悉爲註明以迹人品

一妻所以承宗廟初曰娶再曰繼側室曰納所以明先後之義嫡庶之分也有婦已聘未及于婦廟見而卒者書原聘某重始婚也其或有罪被出則書出夫故改嫁則書再醮以夫義已絕毋庸稍存曲筆也

一立繼必本宗昭穆相當其世傳書法於所生父下曰某子過繼與某爲嗣於所繼父下亦必註明繼某之第幾子某爲嗣其或長房無子二房只有一子例准任作雙承俟其生子一歸長一歸次至收養異姓向例不准現值大難之餘不得不變通前規惟正派則書生子某螟蛉則書子某以誌區別示不相混也

一收養異姓現准登譜原係大難之餘暫爲權宜之計其書法之區別已見前凡例中惟呂羸牛馬究爲續宗公議譜竣後仍應遵循舊規不得援此次爲例競尙螟蛉致永淆祖宗血脈之傳

一婦人以節爲重夫死守志朝廷有旌表之典卽再醮亦例所不禁近有敝俗夫死贅夫托爲招夫養子之說違例鮮恥莫此爲甚現由官出示嚴禁深恐未能家喻戶曉爰重申以祠規族內如有蹈此敝俗除該婦稟官究遣外其親房不行阻止徇情故縱者一并逐斥不許歸宗

一子孫遷居別土立業成家者書遷某處庶世遠不致迷失不知去向者書外出

一譜以闕疑而存信於所可知者則紀其詳所以誌實也於不可知者則存其略或書失考不敢以臆增也

一男子不論仕隱女子不論妻妾凡有節孝懿行可爲楷式爲閨範者
例得立傳贊表章之其未另立傳者卽於世圖下小傳書之至榮膺
恩典世傳註明仍敬錄


誥詔全文并諸文翰之首尊

君命也

一先代德澤雖存風徽已邈恐後人有數典忘祖之失爰於先祖之有
功烈名位與夫耆年碩德卓然表著者泐諸圖像像恐難肖更綴以
贊展卷之下儼然如存庶足以慰仰止而惕孝思

一各處墳墓先人體魄所藏各傳內詳書其所復繪圖於後並勒明山
界開載稅畝使子孫有所稽考俾不至爲他人侵犯

一族譜旣竣公同刷印裝訂成部編立字號共二十五部某分某人領
執一部宜謹收慎藏不得損壞並不得擅自填改違者公議處罰倘



有不肖子孫自私盜賣者卽將盜賣人本身一支逐出不許歸宗親房公同鳴官究追

一族譜議定每逢 年清明後三日一會卽遇雨雪不得改期是日

清晨各分領譜之家衣冠楚楚送至篤親堂祠首用截記每部逐一驗明下午各家仍照原領字號收回


一各分領譜之人每部外給格子印板一本將各家所生之子生于某年某月某日某時祖先歿于某年某月某日某時及女嫁于某人娶妻某氏一一載明日後修譜易于查核不致失攷昔孝孺公云三世不修譜卽爲不孝日後孝子賢孫三世務宜急修余等幸有厚望焉

一正排行以昭倫次人衆居遠排行不一名分無由理清原譜載有十字今雖續修確遵無易居處雖分而排行劃一明倫之要莫切于此

一凡捐納貢監職銜今雖概照登錄所有憑照因貿易遠地未曾持照詣祠看驗者居多嗣後欲行搭入祠班務須將照來祠公驗明確方准入班如有稍涉不實仍遵祖規擯斥不納毋得藉詞登譜抗違致干處治

一親戚名目理應詳細登載因世遠難以統查有詳載者有不能詳載者每生嫌隙故書地書姓未書名目實非續修人本意日後續修凡親戚有爵秩名望概行登錄以光譜牒

此係原例



華


峰

族


居

圖

竹香居
士題



華峰陽基圖




續修族譜題詞

巨鼇浮海展靈跡
直走徽歛趨天都
萬山橫空作鱗
爪石鳧石壁撐天
孤涇川分析古安
吳斫翠割雲開
徑塗疑是列僊紅
塵居華坦方氏有
舊廬元老壯猷
入周雅親見石鼓
鐫攻車風馳電掣
三千歲秦歟漢
歟空長吁雲仍乃
在茲山麓祥鸞生
鳳凰生雒傳世
八十自古初文經
武緯紛詩書畊田
鑿井逢

聖代輕徭薄歛樂有餘
黃髮擊壤蒼髯歌流風
淳樸等華胥百年喬木
亞崔盧亂山環繞水通
渠我欲寫作桃

源圖

趙席珍拜謨





方 祠

氏 圖



宗



裔孫肅
謹書






文昌閣暨支祠圖











寧邑二十一都

高橋頭村圖










方氏歷代科第圖原引

按唐取士之科多因隋舊然其大要有三由學館者曰生徒由州縣者曰鄉貢皆升於有司而進退之其科之目有秀才有明經有進士有俊士有明法有明字有明算有一史有三史有道舉有童子而明經之別有五經有三經有二經有學究一經有三禮有三傳有史科此歲舉之常選也其天子自詔曰舉制所以待非常之才焉予考諸吾宗顯居河南望於江左自唐迄今題名科第者何可勝數彰彰乎舊牒安敢不叙於開卷而表揚之使吾之後進者俛仰前修尚思步武繩繩弗間視先代爲加盛而奮志以媲美焉可耳

歷代名宦貢圖

叔佐周宣王征玁狁爲卿士芑詩有元老之贊

樸赧王時爲大司馬



瓊 秦孝王拜爲上卿大司農

約 漢高祖封下都縣下相侯

靈 漢惠帝拜西河太守光祿大夫

忻之 拜大司馬

偉 漢孝元帝除侍郎東宮祭酒居平陵原任翰林院學士

望 漢孝元帝除侍郎兼太史遷太傅誅莽有功封忠烈侯

紘 漢孝成帝授北部郎兼翟縣令次丹陽遷大司馬任少卿拜河南郡守


雄 東漢建武二年授給事中兼金牙將軍加封雲麾大將軍西河刺史陞黃門侍郎拜爲尙書

儲 漢章帝章和元年授郎中補勾章令累封至太常卿黜縣侯贈太常卿尙書令開國公食邑二千五百戶
廟敕贈眞應

覲 號凱之漢桓帝賜侍中安將軍又拜平伏大將軍封閔內侯

熙叔 任丹陽太守

顯 東漢時除兵部職方司封關內侯



誕 漢建安拜為義安郡守

曷 漢除郎中大夫正升散騎常侍封歙縣開國公食邑二千戶

藏 拜金紫光祿大夫

操 晉封上虞公

寬 晉封南城開國侯陞宣州太守

法立 唐諫議大夫

德布 唐侍中


智 定州刺史

德 唐肅宗授國子博士號仁生公讓所居以為縣治故縣名旌德蓋不忘本云

鎮 佐唐有功封佐神策大將軍

浩 唐襲佐神策大將軍

元蕩 唐憲宗自襲神策將軍加冠軍大將軍兼御史光祿大夫知軍事試殿中監上柱國新野郡封都虞侯



開國公加淮西隴右節度使觀察措置等使充監牧使兼管內押蕃落使淮南行營節度使加封義成郡王食邑三千戶

鏐 唐元和授豐陵挽郎歛縣尹

從儉 唐懿宗時以明經舉授朝散大夫東陽高安二縣令

台 歛州制置陞天德軍通判

明

富男 庠名英 順天府大城縣縣丞擢管通州軍儲倉糧有功有政蹟見邑誌


文錦 南昌府教授陞新建縣知縣

祖積 鄉飲大賓

國朝名宦科貢圖

君訓 誥贈文林郎

宣吉 例貢生



廷翰 誥贈文林郎

廷裕 吏部考授正八品

表 附貢生

學成 雍正八年舉孝廉授山東夏津縣知縣歷署棲霞武城邱縣事著有松華堂集松台詩話等書行世

學錦 考授河南開封府蘭儀分司署邱縣主簿裴黃河有功陞山東兗州泉河分府

景雲 貢生著有孝遊文稿

馨 歲貢生


傑 千總

瓊 州同

城 貢生

梅 雍正乙卯科舉人

蛟 附生議叙左堂



然 議叙衛千總

承恩 貢生

耀甲 附貢生

有光 庠生例授大伯宰

璣 貢生

承鑾 乾隆庚午科舉人

名科 州同


名顯 庠生例授大伯宰

向榮 附貢生

攀桂 貢生

文彩 州同

瑞祥 貢生



文蔚
州同

喬新
嘉慶癸酉科副舉人

錦
布政司埋問

鎰
貢生

球
附貢生

慶
貢生

繼濱
片生例授千總


占魁
道光乙未恩科舉人

策
歲貢生

燦
布政使埋問

昭德
翰林院孔目

鉉
直隸州州同



文英 貢生

懋彬 翰林院孔目

珣 營千總

與善 貢生

鳳鳴 營千總

元英 道光己酉科舉人

瓚 附貢生


元炯 歲貢生

璋 直隸州州同

兆元 州同

鉞 六品銜

本 貢生



廷樞 恩貢生

臻玉 營千總

文治 江蘇候補巡檢

德藩 布政使理問誥贈奉直大夫

啟槐 營千總

輝 貢生

紹書 布政使理問

宗泰 保舉遊府銜

起鸞 保舉都司銜

翰 由從九軍功保舉五品銜賞戴藍翎管理保安營糧臺


起榜 歲貢生

文達 附貢生即選訓導




田 軍功五品藍翎

連陞 保舉五品藍翎




周元老叔公像

偉哉方叔
輔相周宣
南征赫赫
率車三千
進階上爵
忠烈昭然
詩人有頌
留譽萬年




唐封義成郡王元蕩公像

桓桓武勇
烈烈英風
初拜冠軍
威折虜鋒
再遷御史
言服奸雄
追封王爵
廟食無窮




華坦始璇公像

英姿駿發
卓爾不羣
胸羅五典
腹飽三墳
林泉寄志
富貴浮雲
北窻高卧
羲皇上人



明大城縣令英公像

精氣凝結
品格端莊
勤勞奏績
廉善孔彰
學成致用
終焉允臧
音容宛在
奕世流芳




明 孝 義 龍 興 公 像

渾厚其質
儀表其身
祇兄友弟
克順雙親
不雕不琢
依然天真
光明磊落
千古完人




明南昌府教授文錦公像

文章宿老
道學儒宗
經帷化雨
氈席潤濃
菁莪造士
絃歌牧民
縉紳巨望
席擅大賓



明壽官元弼公像

魁梧奇偉
惟德潤身
堂堂容貌
丹青留神
毫期無玷
千古完人
光於日月
咸仰天真




清 孝 義 廷 對 公 像

熙朝逸士華國俊民
孝思不匱德性最醇
克端古誼信友孝親
待清于渭樂道于莘
行芳志潔遠軼風塵
庭環玉樹萬古常春



清 鄉 耆 廷 祿 公 像

氣直而壯
貌肅而恭
見義必為
孰撓其鋒
創建祠宇
妥侑羣宗
維公之德
莫可形容




清卓行庠生璧公像

醉乎其面
益乎其躬
宗祠創建
學校留功
聲播道路
頌溢贊宮
允矣君子
孰克追蹤



清議敘修職郎秉經公像

世承閥閱
善積一門
湖君氣象
玉璞金渾
丹砂八頰
貌若春溫
瞻茲遺像
警欬獨存




清夏津縣知縣學成公像

鍾生偉人
鳳鳴高岡
學姬僧孺
經通長房
聲振江左
績著琴堂
仰瞻遺像
敬奉瓣香




清 歲 進 士 城 公 像

功稱莫尙
德比温其
不矜不伐
中矩中規
光前裕後
度勢因時
音容可接
千載永垂




清議敘正入品生員蛟公像

為人醇厚
貌亦溫良
克承父志
長發其祥




國朝副舉人喬新公像

經史飽腹
桃李滿門
綠竹進學
白圭慎言
謙和有度
解紛無痕
歸真反璞
誠心存存



清 歲 進 士 元 烱 公 像

居家之道
曰孝曰慈
入世之道
曰行曰詞
惟公盛德
兼而有之
瞻茲遺像
宜各三思



清議正八品一萬公像

貌則肅行
則慈名未
登乎仕版
澤實被於
當時噫公
不可見矣
如之何勿
思



余自涖任旌德即聞人嘖嘖稱方公汝公之賢心竊
慕之然猶未悉其實也光緒乙未其裔孫翰從余游
敬述祖德出前甯國令梁君所為公傳讚示余因益
信善有可徵譽非虛美並聞當日

朝廷有樂善好施之褒可知公之澤被當時名留奕世實
有歷久而如新者觀公遺像慨慕不已敬題數語以
誌景仰之思云

旌德縣訓導庚午舉人歙縣吳其培謹跋

清 貢 士 文 英 公 像

公克讓耶
讓不居名
公好施耶
施亦忘情
純乎天籟
遺形與聲
求公莫得
象外存誠



清 恩 貢 生 廷 樞 公 像

皎如秋月
藹若陽春
世尙浮巧
公甯樸醅
不畏強禦
不侮孤貧
其文緯地
其行絕塵
聲振膠序
惠洽比隣
一經貽後
代起偉人



清例授州同文彩公像

受天之祐
惟公一身
虛名不尙
實惠霑人
雖經兵燹
像獲其鄰
遺留奕禩
千載常新



新 興 興 興 興 興 興 興

千 壽 常 惟

壯 年 美 蘇

兼 壽 其 俱

繼 繼 吳 贊

賢 燕 留 人

息 谷 不 尚

新 公 一 良

愛 天 之 蘇

